

# WARSIDAHA DOORASHADA



Guddiga Madaxabanaan ee  
Doorashooyinka Qaranka  
Luulyo 2020  
Warside Nuqulkii 5aad

WEB: [www.niec.so](http://www.niec.so) | MAIL: [info@niec.so](mailto:info@niec.so) | FACEBOOK & TWITTER: NIECSomalia | CIWAANKA: Villa Somalia, Mogadishu - Somalia



Gudoomiyaha GMDQ hadal jeedinti Baarlamaaka 2020 / Photo by NIEC

## Gudoomiyaha GMDQ oo hadal ka jeedisay Baarlamaanka Federaalka Somaaliya

27, June, 2020, Gudoomiyaha GMDQ ayaa ka jeedisay Baarlamaanka Khudbad in muddo ah la sugayay. Hadal jeedinta gudoomiyaha ayaa ku qotontay la socodsiinta Baarlamaan sida uu guddigu ugu diyaar garoobay doorashada soo socota. Sidoo kale gudoomiyuhu waxaa ay ka war-bixisay hawlahu u qabsoomay guddiga ilaa maalinkii la aas-aasay.

Gudoomiya ayaa sharaxaad ka bixisay sida ay muhiimka u tahay in doorashooyinku ay ku qabsoomaan xilligii loo asteyey, iyada oo maanka lagu hayo qaab doorasheedka la qaata. Waxaa ayna sheegtay in

guddigu uu soo bandhigay laba qaab doorasho, kuwaas oo kala ah; doorasho iyo diiwaan-gelin hal mar wada dhacaya iyo doorasho ku qabsoonta habka Baayometeriga, kaas oo ku qeexan sharciga doorashooyinka.

Marwo Xaliima ayaa carabka ku adkaysay, in iyada oo waqtii kooban uu ka harsan yahay xilligii doorashada ayana jiraan caqabado badan oo hortaagan guddiga, ay haddana diyaarin yihiin qabashada doorashada soo socota ee Hal Qof iyo Hal codka ah. Waxaa ay ugu baaqday Baarlamaanka in uu dardar geliyo shuruucda looga baahan yahay si

### TUSMO

Gudoomiyaha GMDQ oo hadal ka jeedisay Baarlamaanka Federaalka Somaaliya

Kulanka bilaha ah ee GMDQ iyo wakiilada beesha Caalamka

Gudoomiyaha GMDQ ayaa Ka qeyb-gashay kullanka Guddiyada Doorashooyinka Africa

Kulanka GMDQ iyo hoggaanka Xarrunta Tala soo jeedinta Soomaaliyeed

Xafiiska  
Diiwaangaliyaha  
Xisbiyada ee GMDQ  
ayaa la shiray  
Xisbiyada ku meel  
gaarka ah ee dalka.

GMDQ oo Xisbiyo cusub shahaadooyin  
Gudoonsiiyay

Shirka  
Komishineerada,  
Agaasimayaasha,  
Maareyayaasha iyo  
Iataliyaasha GMDQ.

GMDQ oo Kulan la yeeshay Guddiga Arrimaha Gudaha,  
Maamulada Gobolada iyo Amniga ee Golaha Shacabka.

ay GMDQ u qabtaan hawsha loo igmaday. Gu-doomiyuhu waxay cadeysay in haddii la qaato habka diiwaan-gelinta iyo doorashada isku marka ah, uu guddiga doorashada qaban karo Maarso 2021, halka haddii la fuliyo qaabaka Baayamateriga uu qaban karo doorashada Agoosto 2021.



GMDQ iyo Beesha caalamka 2020 / Photo by NIEC

## Kulanka bilaha ah ee GMDQ iyo wakiilada beesha Caalamka


20, May, 2020, Gudoomiyaha Guddiga Madaxa-bannaan ee Doorashooyinka Qaranka, Marwo, Xaliima Ismaaciil oo ay wehliyaan Komishineerra-da Guddiga ayaa maanta kulankii billaha ahay ee xog-wadaaga la qaataay Xafiiska Qaramada Midobay ee Soomaaliya oo ay wehliyaan Wakiillada beesha caalamka ee Soomaaliya bahwadaagta la ah. kullanka ayaa diiradda lagu saaray Arimaha Doorashooyinka ee qorsheysan sanadkaan.

Gudoomiyaha Guddiga oo ka mid ahayd shir-guddoonka Shirka ayaa sheegtay in iyada oo ay dunida iyo dalkeennuba la tacaalayaan xakamaynta dhibaatada Cudarka safmarka ah ee Covid-19, hadana Guddiga Madaxa-bannaan ee Doorashooyinka Qaranka ay ka go'an tahay sii wadidda waajibaadka loo igmaday.

## Gudoomiyaha GMDQ ayaa Ka qeyb-gashay kullanka Guddiyada Doorashooyinka Africa

May 28, 2020, gudoomiyaha Guddiga Madaxa-bannaan ee Doorashooyinka Qaranka, Marwo, Xaliima Ismaaciil Ibraahim ayaa ka qeyb-gashay maanta kulan aalada internetka ah oo u dheexeyay Guddiyada doorashooyinka Africa, hay'addooda ay ku mideysan yihiin ee loo yaqaan African Election Management Bodies (EMBs). Kullanka waxaa soo qaban qaabiyyay waaxda arrimaha siyaasadda ee Midawga Afrika Department of Political Affairs of the African Union Commission (AUC).

Kullanka ayaa looga hadlayay saameynta Xanuunka Safmarka ah ee COVID-19 uu ku yeeshay Doorashooyinka Afrika, iyadoo ka soo qeyb-galayaasha kullanka ay wadaageen qibrahooda la xariira maareyn ta doorashooyinka marka ay jiraan aafooyinka dabiiciga ah. Gudoomiyaha GMDQ ayaa kullanka ka sheegatysida ay soomaaliya ugu diyaar garoobayso doorashada sanadkaan dhici doonta.



Gudoomiyaha GMDQ iyo Guddiyada doorashooyinka africa / Photo by NIEC



GMDQ iyo hoggaanka Xarunta talo sojedinta / Photo by NIEC

## Kulanka GMDQ iyo hoggaanka Xarrunta Tala soo jeedinta Soomaaliyeed

May, 31, 2020, Hoggaanka Guddiga Madaxa-bannaan ee Doorashooyinka Qaranka iyo hoggaanka Xarunta Tala soo jeedinta Soomaaliyeed ayaa maanta ku kulmay Magaalada Mogadishu. Xarrunta ayaa Guddiga ka waraysatay diyaargarowga GMDQ ee ku aaddan Doorashada, caqabadaha jira iyo hawlahaa Xisbiyada.

Hoggaanka GMDQ ayaa xarrunta kaga waramay taariikhda Guddiga iyo waxa u qabsoomay inta uu GMDQ uu jiray iyo sida ay Guddiga oga go'antahay qabsoomidda Doorashada dalka, sidoo kale Gu-doomiye Xaliima Ismaaciil Ibraahim ayaa sheegtay in Guddiga go'aankiisa doorashada ku aaddan uu 27 June ka jeedin doono kulanka labada Gole ee Barlamaanka JFS.

## Xafiiska Diiwaangaliyaha Xisbiyada ee GMDQ ayaa la shiray Xisbiyada ku meel gaarka ah ee dalka.

4, June, 2020, Xafiiska diiwaangeliyaha Xisbiyada siyaasadeed ee Guddiga Madaxa-bannaan ee Doorashooyinka Qaranka ayaa maanta shir aalada inter-

net-ka ah la yeeshay ku dhawaad 70 xisbi oo ka mid ah Xisbiyada sida ku meel gaarka ah u diwaangashan.

Inta uusan wadanka saameyn xanuunka safmarka ee COVID-19 Ka hor kullamada GMDQ iyo xisbiyada siyaasadeed ee ku-meel gaarka ah waxaa ay ahaan jireen kuwa ay dhacyadu isku imaan jireen si wada jir ah.

Diiwaan-geliyaha Xafiiska Xisbiyada ee GMDQ Maxamed Cumar Axmed Xaydara oo ay wehliyan agaasiimaha Xafiiska diwaan-geliyaha Mudane Sandheere iyo lataliye Cali Xareed ayaa la wadaagay xisbiyada halka ay marayaan hawlahaa Guddiga iyo diyaar-ga-rowga ku aaddan doorashada dalka ka dhici doonto dhamaadka sanadkaaniyo bilowga sanadka soo socda. sidoo kale diiwaan-geliyaha ayaa ka hadlay wajiga labaad ee diiwaan-gelinta Xisbiyada kaas oo ah in si rasmi ah loo diwaangaliyo Xisbiyada.

Ugu danbeyn, ka soo qeyb-galayaasha shirka ayaa Guddiga ku amaanay sida uu hawlihiisa u wado iyadoo dalka uu ku jiro daruuf adag oo xagga xanuunka Karoonaha ah.

X.DHS	P.G	Ifrah Omar	Abdirahman Ha...	Hon.Osman Elmi
Abdifatah Dahir...	Cpp	iPhoneHassan	Xisbiga Gurmad	
Mursai Abdishak...				
Abdi Kusow	Xisbiga Tiir	Xisbiga Dimuqr...	Galaxy J7	
samat001	Sadia	M419033 Zamz...	Abdirazak Warsa...	Abdullahi Gutale
Dr. Ibrahim Moa...	Mohamed Ibrahim	Sabrin Gesey	Xaaji Ereg	Istaahil
		Connecting to au...		

Shirka xafiiska diiwaangeliyaha iyo xisbiyadda / Photo by NIEC

## GMDQ oo Xisbiyo cusub shahaadooyin Gudoonsiiyay

10, May, 2020, Guddiga Madaxa-bannaan ee doo-rashooinka Qaranka ayaa maanta shahaadooyinka KMG ah gudoonsiiyey 6 xisbi oo ku biiriya xisbiyadii sida ku-meel-gaarka ah loo diwaan geliyay,

GMDQ oo raacaya til-maamaha iyo talooyinka Cudurka Safmarka ah ee Covid-19 ayaa munaasabadda xisbiyada lagu siinayay shaadada u sameeyey qaab fogaan arag ah oo uu GMDQ aaladda ZOOM- ka u adeeg-saday qabsoomidda Munaasabaddaas.

6 xisbi ee maanta Shahaadooyinka KMG la guddoon-siyay ayaa kala ah

1. Xisbiga Hiil Qaran
2. Xisbiga Maandeeq
3. Xisbiga Tubta Toosan
4. Xisbiga Hilow
5. Xisbiga Dimuqaraadiga ee Danwadaag
6. Xisbiga Danaha Bulshada Soomaaliyeed



Shahaado siinta xisbiyadda cusub / Photo by NIEC

## Shirka Komishineerada, Agaasimayaasha, Maareyayaasha iyo lataliyaasha GMDQ.

8, June, 2020, Waxaa maanta Magaalada Mogadishu ku soo idlaad-day kullen socday sedex maal mood oo ay isugu yimaadeen Komishineerada, Agaasimayaasha, Maareyayaasha iyo lataliyaasha Guddiga Madaxa-bannaan ee Doorashooinka Qaranka.

Shirka ayaa waxaa diiradda lagu saaray Xeerka Xisbiyda iyo ha-naanka diwaangalinta rasmiga ah, ansixinta qoraallada jadwalka doorashooinka & miisaaniyadda, Iswaafajinta shuruucda, qaab dhis-meedka istiraatijiyyada & hanaanka fulinta shaqada Guddiga, Hanaanka xalinta khilaafaadka ka dhasha doorashada iyo ammniga doorashada.

Sidoo kale shirka waxaa aad lagu lafa guray warbixinta afar biloodla-ha ah ee guddigu horjeediyo Baar-lamaanka afartii biloodba mar.

Guddoomiyaha GMDQ, Marwo, Xaliima Ismaaciil Ibraahim oo soo xirtay kulanka ayaa la

dardaarantay hawl-wadeennada kala duwan ee Guddiga iyadoo ku amaantay shaqadii wanaagsaneed ay soo qabteen intii ay shaqaynay-een, iyadoo sidoo kalana u til-maamtaga shaqada adag ee dhiman.

## GMDQ oo Kulan la yeeshay Guddiga Arrimaha Gudaha, Maamulada Gobolada iyo Amniga ee Golaha Shacabka.

19, June, 2020, Guddiga Madaxbannaan ee Doorashooinka Qaranka (GMDQ) ayaa maanta kullen la yeeshay Guddiga Arrimaha Gudaha, Maamulada Gobolada iyo Amniga ee Golaha Shacabka.

Ajendaha kulanka ayaa ahaa in GMDQ looga dhageysto talooyinkooda ku aaddan Wax-ka-beddelka iyo Kabista Sharciga Xisbiyada Siyaasadda ee uu hadda gacanta ku hayo Guddiga Arrimaha Gudaha, Maamullada Gobollada iyo Ammni-ga ee Golaha Shacabka ee Baar-lamaanka Jamhuuriyadda Fedaraalka Soomaaliya.



Komishineerada, Agaasimayaasha, Maareyayaasha iyo lataliyaasha GMDQ / Photo by NIEC